

近代中國史料叢刊第四十輯  
沙 雲 龍 主 編

滄趣樓奏議 · 詩集

陳寶琛著

文海出版社印行

本奏議與詩集係由

陳民耿教授借出影印特此申謝

文海出版社敬啓

## 說明

滄趣樓奏議，上下兩卷，陳寶琛撰。原名「陳文忠公奏議」，民國二十九年（一九四〇）庚辰，北平文楷齋刊行。

寶琛，字伯潛，號弢菴，福建閩縣人。遜清同治七年（一八六八）戊辰進士，由庶常授編修。光緒元年（一八七五）乙亥，擢侍講，充日講起居注官，累遷至內閣學士，與張佩綸（幼樵）、寶廷（竹坡）、鄧承修（鐵香）號爲四諫，以直言風節聞於天下。又與張之洞（孝達）、黃體芳（漱蘭）輩，號爲清流，胥高陽相國李鴻藻（蘭孫）之羽翼也。先後典學甘肅、江西，得士稱盛。光緒十年（一八八四）甲申中法越南之役，奉詔會辦南洋軍務，與兩江總督曾國荃（沅浦）議不合，及和局將成，清廷追論寶琛力舉滇撫唐炯（鄂生）、桂撫徐延旭（曉山）堪任軍事，卒致償敗，命降五級調用。會以丁憂歸，遂居鄉不出，營聽水齋於鼓山，而所居螺江，有滄趣樓，故海內稱聽水翁，或稱滄趣老人，爲士林所推重。

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



宣統元年（一九〇九）己酉，寶琛罷廢己二十五載，始詔復原官。三年（一九一一）辛亥，簡放山西巡撫，未行，命以侍郎候補，授讀毓慶宮，兼充弼德院顧問大臣，實錄館副總裁，正紅旗漢軍副都統等職。迨武昌革命軍起，南北和議成，民國政府予清室以優待，遜帝溥儀仍居宮禁，中經民六（一九一七）丁巳復辟之變，以至民十三（一九二四）甲子馮玉祥（煥章）逐之出宮，得日人之助，遁避天津張園，號爲行在，始終以宣統年號，發布詔令，朝賀賞賚，悉循舊典，世人視爲小朝廷之自娛，不以爲異。寶琛亦時時往來平、津、滬，戀戀故主，克盡師保之職，溥儀曾先後授以太保，太傅等榮銜，故世多以陳太傅呼之而不名，其實皆僞命也。

民二十（一九三一）辛未，東北變起，日軍大舉侵我國土。翌年（一九三二）壬申，日人土肥原挾溥儀密赴大連，旋赴瀋陽、長春，成立僞「滿洲國」，溥儀始號執政，繼稱皇帝，殆日人卵翼下之傀儡也。寶琛曾一度赴關外「覲見」，仍返故都，以迄病逝。陳三立（散原）所撰墓志銘，謂其「辛未十月東北之行」殊

誤，應爲壬申九月，見滄趣樓詩集。寶琛歿於民國二十四年（一九三五）乙亥農曆二月初一日（驚蟄前一日），距生於道光二十八年（一八四八）戊申九月二十三日，得年八十八歲。溥儀聞之，予諡「文忠」，蓋「滿洲國」僞諡也。

寶琛歿後二年，七七抗戰發生，故都旋告淪陷，其子懋復始哀集陳氏生前奏疏九十六篇，編成兩卷，竟名之爲「陳文忠公奏疏」，其對民國之蔑視，意至顯然。茲以原書涉及近代史料至夥，爰加影印，雖版式仍如其舊，但依本叢刊編輯體例，爲之正名「滄趣樓奏疏」，與「滄趣樓詩集」一併印行，庶幾存真而不與時代相悖，或亦博雅君子之所許可歟！

編者識 五十八年八月一日



陳文忠公奏議



閩縣螺江  
陳氏威版



陳文忠公遺像



廬陵眉山世所師  
正色獨  
遠天慙遺尊周  
祀夏數則  
奇誰其嗣者竟  
厥施

楊鍾義謹贊



墓志銘

門下士義甯陳三立撰

歲在旂蒙大淵獻春二月庚辰朔 太傅閩縣陳公薨  
於舊京寓邸年八十有八喪聞

贈太師

特諡文忠他卹典如故事自初喪至殯遺臣宿儒門生  
故吏及後進承學之士詩文誄輓相屬不絕蓋 公之  
薨而盛德舊學者年高位冠冕羣倫者盡矣 公諱寶  
琛字伯潛號汝庵曾祖諱若霖刑部尙書未易名 公  
修

德宗實錄成進秩太傅具疏陳情乞回所授加

恩先代得追諡文誠祖諱景亮雲南布政使考諱承裘

刑部郎中皆以 公貴封光祿大夫妣林一品夫人有  
子六人 公其長也生而英敏年十八以諸生舉於鄉  
越三歲成同治戊辰科進士改庶吉士授編修光緒乙  
亥大考擢侍講充

日講起居注官累遷至內閣學士 公夙秉庭誥以忠  
孝自厲既早達益感激發憤言事前後章數十上所論  
列多防邊禦侮進退大臣安危根本至計而論中官與  
護軍閩不宜重護軍罪弛門禁開內監驕橫之漸及停  
止恭送

孝貞顯皇后山陵非

聖朝所宜甯緩奉安須

皇太后康復

皇帝親臨用重典禮隆孝治皆言人所不敢言當是時  
公與宗室侍郎竇廷張學士佩綸張文襄之洞並以  
直諫有聲天下想望風采號爲清流尤推 公能持大  
體云癸酉乙亥兩充順天鄉試同考官己卯甘肅鄉試  
正考官壬午江西鄉試正考官就授學政甲申法越事  
亟 公與張學士疊疏論和戰利害

朝旨以 公會辦南洋張公會辦福建海疆事宜比

公至江甯事權多不屬所疏請又不盡用講將成丁林  
太夫人憂歸張公坐軍敗遣戍 公亦以所舉人失當  
降五級調用於是終

德宗世不復出宣統改元始起復原官

特命掌禮學館尋補內閣學士充

經筵講官資政院碩學通儒議員

實錄館副總裁辛亥五月

簡山西巡撫未上更

命以侍郎候補授讀

毓慶宮兼充弼德院顧問大臣俄改補正紅旗漢軍副

都統授讀如故秋武昌難作冬十二月遂有遜政之

詔或語 公曰可以退矣 公曰吾起廢籍傳

沖主不幸邁奇變甯忍恻然違吾

君苟全鄉里名遺老自詭耶實錄館

德宗本紀成授太保全書成晉太傅迭拜

賜紫禁城騎馬紫韁雙眼花翎暨

御書匾額楹聯之屬

恩禮有加 公益朝夕納誨兢兢自效甲子十月之變

公衣冠立神武門外不得入聞

車駕幸醇親王府亟奔赴旋定策出狩天津事秘不聞

公亦終未嘗爲人言也所進講大要主修德奉天時

循遵養之義靜以觀天下之動丁巳五月之役辛未十

月東北之行皆非 公本謀或以怯懦見疑 公不自

別白惟端居深曠太息而已疾革願諸子曰已矣吾有

所負疚極不能忘者今且奈何烏乎 公少壯翔歷華

要銳欲以澄清自任舉事一不效爲忌者所中投閒山林幾三十稔垂老再起而國事遂不可爲矣躬所遭值曠古未有膺保傅之重義不能一死自謝知其不可爲又不忍臨難而去之僂然負羈縲者十年蹇蹇憂勤以終其身完千古君臣正義於垂絕之日雖異趣者莫不欽 公節操悲 公之用心而歎 公所以自盡者爲尤難也 公內行敕備退居侍養光祿公十載如嬰兒與諸弟學行相切磋老而彌篤督學江西及在鄉里時佐長吏所興造多可稱者尤以長養人才效最著善書工詩文詞他人得一足以名然於 公爲細行矣著有奏議若干卷詩文集若干卷配王夫人先 公十四年



卒側室梁氏楊氏贈淑人劉氏封宜人林氏贈安人子  
懋頤殤懋復

乾清門頭等侍衛懋侗前度支部主事懋良懋需懋隨  
孫鍾繼絜紘絜紱絜繁綿懋復等將以其年十月癸卯歸  
葬 公於王夫人前所葬之閩縣君竹山授狀督銘三  
立 公壬午主試所得士也往 公出遊江南歷獲贍  
聚比歲復同旅故都備聞 公之志事雖老病曷敢辭  
乃泫然著其大節而系之銘銘曰

捷馳亨衢震奮雷聲方壯而踣挫銳磨英匪挫匪磨浩  
氣承軻倫紀攸扶倚此番番朝有元老

帝曰人瑞佩服陸離取禦魑魅萬變一瞥彌縫盡瘁劫

運自天聖哲莫違道義在躬孰予是非孤照百世冥接  
嵐歛聽水之齋鼓山之陽昔也寤歌魂精徜徉歸翳忠  
蛻巖榮谷馨揚揭貞素允顯下庭

人臣建言效忠豈不以其時哉新進與老成異旁觀與當局異承清晏戒愆忘與夫危疑震撼之交操心慮遠尤異光緒初 閩縣陳文忠公與南皮張文襄皆以講官言天下大計無所避鍾義登朝晚志慕前修惜未能充

日講居言路乞郡後文襄嘗爲長官見其縝密靖深不輕論劾及居政地不復援據

昌陵成憲心竊異之鍾義之初見 文忠也以癸巳閱三十年用 公薦重入修門得朝夕承 公教鄙性簡質更事少意有所不慊語輒妄發 公每戒以審時度勢勿多言初頗不解迄今思之始知古大臣訐謨遠猷

瞻言百里非章句小儒所能窺其涯涘也 公歷事

三朝毗成

聖學易名之典近媿埃邨不樹黨援不事生產 公之  
所以稱文襄者實躬蹈之奏議橐草藏鐵石軒公子幾士  
校付剗劂而屬鍾義爲之序鍾義從 公久不敢以不  
文辭謹取子輿氏誦詩讀書知人論世之義以告後之  
人丙子冬十有二月館晚生遼陽楊鍾義謹序

陳文忠公奏議

卷上

典試甘肅差竣假滿覆

命摺

光緒六年二月二十八日

謝以侍講充

日講起居注官摺

光緒六年七月初五日

請責樞臣遲延貽誤摺

光緒六年七月初九日

謝授右春坊右庶子摺

光緒六年八月十一日

論俄事界務商務宜並爭摺

光緒六年九月二十三日

論琉案不宜遽結倭約不宜輕改摺

光緒六年九月二十六日

附陳俄軍情形片

同日

請調易會國荃督防山海關片

同日

籌造鐵路以圖自強摺

光緒六年

論富陞宜原心恕過摺 光緒六年十一月初八日

請申明門禁摺 光緒六年十二月初四日

密請 懿旨特寬午門兵丁罪名片 同日

論東三省臺灣宜慎簡賢能摺 光緒七年二月十四日

請明功罪以示勸懲摺 光緒七年

請 召毓慶宮諸臣照常進講摺 光緒七年四月十六日

星變陳言摺 光緒七年六月十一日

論崇禮曠職辜 恩請予懲處摺 光緒七年 月

謝授翰林院侍講學士摺 光緒七年七月十二日

謝交部從優議敘摺 光緒七年七月十六日

條陳講求洋務六事摺 光緒七年閏七月

附陳輪船積弊片

同日

附陳台匪王金滿情形片

同日

請緩 定東陵永遠奉安摺

光緒七年八月十二日

論察典宜自大臣始摺

光緒七年十一月初四日

請收回琦善專祠 成命片

同日

請覆訊江甯命案摺

光緒七年十一月 日

請 召用卞寶第閻敬銘張岳齡片

同日

請將興化府知府缺扣歸部選片

同日

附陳澎湖通判鮑復康劣蹟片

同日

陳越南兵事摺

光緒八年四月初十日

論疆臣擅調近臣宜予議處摺

光緒八年 月

陳文忠公奏議目錄



陳文忠公奏議卷上

典試甘肅差竣假滿覆

命摺

光緒六年二月二十八日

奏爲恭覆

恩命仰祈

聖鑒事竊

臣

上年奉

命典試甘肅差竣由督臣左宗棠代奏請假兩月回籍

省親仰蒙

俞允現已假滿由福建航海回京理合繕摺趨赴

宮門恭覆

恩命伏乞

皇太后

皇上聖鑒謹

奏

謝以侍講充 日講起居注官摺

光緒六年七月初五日

奏爲恭謝

天恩仰祈

聖鑒事本月初三日奉

旨陳寶琛著充日講起居注官欽此竊臣累葉蒙

恩早年通籍校書中秘粗窺柱下之典章乘傳邊城無  
補河西之文學迺序職而引瞻

便殿俾兼官而密侍

前旒

出綽傳宣珥彤入直伏念地居清切玉階對立以司言  
職重論思香案直前以奏事況

聖代方徠忠讜雖小臣得貢狂愚自揣疏庸詎酬

知遇臣惟有博諮時事益勵初心講經而論異同幸陪

崇政邇英之選舉筆不忘規諫敢玷拾遺補闕之官所

有微臣感激下忱理合具摺叩謝

天恩伏祈

皇太后

皇上聖鑒謹

奏

請責樞臣遲延貽誤摺

光緒六年七月初九日

奏爲樞臣主持大計遲延貽誤宜予譴責以存

國體而繫人心恭摺仰祈

聖鑒事竊

臣

伏讀開釋崇厚之

旨不禁失聲痛哭以爲

祖

宗二百餘年之刑典廷臣百數十輩之公論我

皇太后

皇上猶不能主之而聽罪臣挾外交以自固也謂

聖意甘出於此

臣

竊有以知其不然而不能不隱忍含

垢以出於此且使天下臣民痛心扼腕欲伸其忠憤之

氣請收

成命而無從此則樞廷總署諸臣之罪有浮於崇厚者矣夫諸臣於崇厚之當誅無異辭也當其時果仰稟懿訓俯順輿情立正典刑以伸

國憲雖俄約之改不改未可知彼斷無所愛於我一罪臣而藉口以梗和議如果諸臣度情量勢謂吾力不足以自誅其罪臣則何必下集議定罪名上煩

聖慮之焦勞下啟強鄰之要挾太阿旁落朝令夕更藐國法若弁髦視廷議如兒戲哉自

慈禧皇太后聖躬違和建言之臣重勞

宵旰每不敢多所陳請辦事諸臣遂泄沓如恆冀倖無事去年十二月卽奉駁改條約之

旨總署如肯迅速檢查案牘分別准駁不過三五日可  
畢何至遲至本年三月始行奏上此議駁條約之遲延  
也條約久稽國書未答使者不行以致敵國猜疑兵船  
已發然自正月初卽奉有籌辦邊防之

旨諸臣如肯迅速籌真心設備廣徵宿將厚集防軍  
則此時邊備當已就緒乃六月有餘未成一軍此籌辦  
邊防之遲延也種種遲延諸臣之心豈不豫知有今日  
之相喝今日之張皇者乃坐失先幾不圖晚蓋遺憂  
君父罔恤人言馴至欲戰無兵欲和無策改約與否尙  
無把握徒先自壞

國紀而隳人心取辱四夷蒙譏萬世而諸臣猶巍然於

百僚之上何以爲心然事已至此

朝廷豈能因臣一言收回成命惟有

切責樞臣及總署諸臣以遲延貽誤之咎量

予處分責令戴罪自贖亟圖補救俾中外臣民咸知咎  
有攸歸猶可以存

國體繫人心於萬一臣目擊時局不勝憤惋昧死上陳

伏乞

皇太后

皇上聖鑒謹

奏

謝授右春坊右庶子摺

光緒六年八月十一日

奏爲恭謝

天恩仰祈

聖鑒事本月初十日奉

旨陳寶琛補授右春坊右庶子欽此竊臣才原庸下學

更迂疏官翰林者十年因奏御而躋華秩除起居已而

月無諫書可答

聖朝乃復蒙

恩遂遷今職遭逢獨幸感懼交并伏念庶子著於漢儀

春坊肇於唐制在前代以侍從獻納爲職至

本朝有講讀箋奏之司

遇渥難勝望輕曷稱臣惟有倍加淬厲勉效涓埃不敢



視閒官為養拙之資常思藉言責為酬

恩之地所有微臣感激下忱理合具摺叩謝

天恩伏祈

皇太后

皇上聖鑒謹

奏

論俄事界務商務宜並爭摺

光緒六年九月二十三日  
左春坊左庶子張之洞

聯銜

奏為俄事機有可乘宜善籌抵制之法以期兩利俱存

恭摺仰祈

聖鑒事竊惟俄事大端界務以伊犁全境為最重商務